

极乐庄严赞

莲花生上师伏藏法类

伏藏大师邬金朗巴 取藏

益西彭措堪布 译文

西方极乐莲花国，金地分格妙庄严，
无人说其山土名，遍寻悉皆无其事。
菩提树花叶茂盛，诸余草木无名事。
三昧八德水安流，种种水无名与事。
明智五光自显焰，世火无名亦无事。
清净妙香普散出，世风无名亦无事。
法界周遍无偏堕，空大无名亦无事。
界明智慧明伞遍，日月无名亦无事。
佛圣自显五光炽，昼夜无名亦无事。
国政妙具殊胜法，自现自脱自护持，
此外无有王臣名，周遍寻觅亦无事。
自他不异平等相，别无斗争无名事。
三昧为食资生足，无他饮食无名事。
渴饮如意甘露流，无他干渴无名事。
衣常披奉净戒衣，无他俗衣无名事。
生孕宝莲莲化生，无他世生无名事。
获得无漏金刚寿，老衰无名亦无事。
悉置无有生死地，生死无名亦无事。
三世佛陀胜妙土，生者同入大义门，
皆住菩提行法乐，苦不乐事名且无。

如是大乐菩提智，圆满正觉彼刹中，
本体性空无量宫，纵广高下皆无量。
法界神通窗普明，无有外内俱洞彻，
普观十方无所碍，万法无一不见知。
大乘法伞遍下垂，无贪光莲聚成座，
四喜智慧四无量，叠起重重妙法垫，
卅七菩提支分幡，四方八隅各各垂。
诸法无方平等性，境中无有得失念，
无有取舍无能所，清净妙莲悉周遍。
本来净戒香普熏，无作本自任运成。
三昧不动法界海，妙观察慧无贪著，
本来圆满莲悉生。大悲遍界普护念，
平等摄众为庄严。无量寿佛住彼宫，
力无畏身极妙严，色身妙相三十二，
一切见者无厌足，诸光环绕彩虹聚，
红白悲光照十方，圆觉具德大力尊，
身语意业观无厌。佛海眷众云蔽空。
不动眼住大乐境，愍怜悲光照十方，
光光幻射幻化佛，不可说数难思议。
于何众生以何调，遍行无量众义事。
彼佛清净刹土中，唯圣安住无凡众。
幻中出幻幻无极，千种万类难思议。

译自邬金莲花生上师本生传“广庄严”之第一品——“西方大乐净土品”。